



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicis & Festa per annum**

Bernardus <Claraevallensis>

Officium de S. Victore.

urn:nbn:de:hbz:466:1-39254

OFFICIUM
DE S. VICTORE,
A S. BERNARDO, ROGATU GUIDONIS

Abbatis Arremarenfis compositum.

Qua de re vide Sermones de S. Victore pag. 331.

AD I. VESPERAS, Antiph.

Victrix anima, quæ sicut passer transvolans, laqueos venantium evasisti, da ut tuo ab his patrocinio eruamur.

* debitam.

O miles emerite, qui debitum * post certamen requiem accepisti, respice in nos, qui & inter hostiles gladios tuis laudibus occupamur.

O victor JESU, quem in nostro Victore vicisse cognoscimus, da ei sic sibi in te gloriari, ut non subeat oblivio nostri: *Sicut erat*, Amen.

Capitulum.

Dilectus à Deo & hominibus sanctus Victor, cujus memoria in benedictione est, similem illum fecit in gloria sanctorum.

O vere Victor, qui ex quo vixisti, vicisti ab utero usque ad tumulum, continuo promerendo triumphos: da nobis ut sicut tuis animamur victoriis, muniamur & armis.

Ut possimus resistere in die malo & in omnibus perfecti stare.

Hymnus.

Vna Victoris meritis præclara hominem terris: qui non sit de terra velut coelo datum repræsentat ad imitandum.

Christus in illo vixit, & non ipse, speculum vitæ mortuis de mundo, homo cælestis præbuit seipsum, similes quærens.

Aliquid quoque sanctius professus extitit Victor forma sanctitatis, integrum fervans atque incorruptum decus honesti.

Unde & vidit visiones Dei, vidit & cælos aperiri: sibi nempe pudicos visio cælestis quærit aspectus.

Gloria summæ Trinitati Deo, gloria tria una personarum, tota cujusque non divisa trium, tres enim unum.

Antiphona. Magna est virtus Domini tui Victor, nec minor pietas, & utinam per te nobis tam sit propitius ad salutem, quàm tibi munificus extitit ad virtutem: Magnifica Victor Dominum, qui magna fecit tibi, magnum te faciens, ut faceres mirabilia in quibus mirabilis fieres, dedit certare, ut vincere daret, & victorem coronaret.

Collecta. Exaudi Domine quæsumus tibi supplicantium preces: ut quos corporali beati Confessoris tui Victoris. fecisti præsentia gloriari, concedas ejus benigna intercessione undique præmuniri, per Dominum JESUM &c.

Ad Missam.

Ad Matutinas.

Invit. Confidite, Victor vicit mundum: gaudeamus in ejus victoria ut vincamus.

Hymnus.

Merito dulces Angelorum voces corpore gravi audiebat homo carnosus
luxus perimens, in carne angelum vivens.

Sic oportebat, ut jam designatum vas in honorem sanctius maneret, sanctitas
ejus dedicata fuit matri in alvo.

Denique carne gravida cernentes matrem non ferunt, fugitant paventer,
* indicant nomen, confitentur sanctum utero clausum. * paventes.

Neque tenello huic tam mature vita secura, gloria invidit, & quidem
magis cumulavit eam foenore multo,

Gloria summæ Trinitati Deo,

In primo Nocturno.

Antiph. Beatus vir qui legem dilexit, & cathedram non affectavit.

Servivit Domino in timore, & jam sine tremore exultat ei.

Domine in lumine vultus tui ambulavit, & nunc signatum est super
eum.

Verba tua Dominus *, Victor auribus & corde percepit, ac per ea * Domine.
vicit.

In ore Victoris perfecta laus, quia in corde ejus perpetua pax.

Confidenti in Domino frustra insidiati sunt qui sagittant in obscuro re-
ctos corde.

LECTIO I.

Victoris vita & gloria &c. *Vide super hoc pag. 331.*

Resp. O virum præcipuæ sanctitatis, qui ante sanctus quam natus, ante
Victor opere, quam nomine fuit, ita ut clausus in utero, jam de hoste tri-
umpharet.

Vers. Domine prævenisti eum in benedictionibus dulcedinis.

LECTIO II.

Habeamus dilectissimi in via Victoris, &c. *Vide sup. loc. cit.*

Resp. O jucundum & inusitatum miraculum! leo rugiens fugit à facie
parvuli, nec dum vagientis.

Vers. Sicut fluit cera à facie ignis; sic pereant peccatores.

LECTIO III.

Epuemur dilectissimi vocati ad mensam divitis, &c. *Vide supra loc. cit.*

Resp. O felix mater, cujus uterus sensit novitatem, nulli matrum com-
pertam à diebus Joannis Baptistæ.

Vers. Non est inventus similis illi.

Ggggg 2

LECTIO

LECTIO IV.

Sidiligenter itaque, fratres reverendissimi, confidero, &c. *Vide supra loc. cit.*

Resp. O Jesu bone, tua est virtus, tua victoria, quod agniculus unus luporum multitudinem exturbavit.

Vers. Antequam sciret puer vocaret patrem aut matrem.

In secundo Nocturno.

Antiph. Ad nihilum deductus est in conspectu eius malignus, ut sui nominis fervaret veritatem.

Domine in virtute tua lætabitur Victor, sciens non in sua virtute fuisse victoriam.

Non accepit in vano animam suam qui de ratione rexit vitam suam, & ideo ascendit in montem Domini.

A timore inimici eripuisti Domine animam sancti, cui peracta victoria non restat pugna.

Te decet hymnus, te decet laus, cuius opus fuit, ut carne solutus Victor noster hominem solveret catenatum.

Bonum est confiteri Domino, cuius munera sanctorum merita, cui sanctus Victor, & quòd sanctus est, & quòd victor est, debere se confitetur.

LECTIO V.

GAudete in Domino dilectissimi, &c. *Vide supra pag. 331.*

Resp. Dum transiret rex Francorum & veniret secus ubi habitabat cremita, admiratus est super his quæ dicebantur de viro hoc.

Vers. Quanta audivimus & cognovimus ea, & patres nostri narra-
verunt nobis.

LECTIO VI.

PAusat miles emeritus, & post labores, &c. *vid. sup. loc. cit.*

Resp. Jam thesaurum absconditum fama delatrix prodiderat, & non potuit præterire regem prætereuntem, sed divertit ad tugurium pauperis ex-
citus fama sanctitatis.

Vers. Ut videret opera Domini & mirabilia eius in deserto.

LECTIO VII.

FRatres, latitudo cœli dilatat corda, non arctat: &c. *Vid. sup. loc. cit.*

Resp. Ingresso rege pauperis cellam, sollicitus hospes quod vinum non haberet, haustam de proximo fonte aquam benedicens convertit in vinum, & bibit Rex, & qui cum eo erant.

Vers. Repleti sunt omnes stupore & extasi in eo quod contigerat illis.

LECTIO VIII.

PAryus ad pugnam, magnus ad victoriam, &c. *Vid. sup. loc. cit.*

Resp. Nos

Resp. Novum genus potentia, aqua rubescunt hydria, vinum iussa fundere, mutavit unda originem.

Vers. Dextera Domini fecit virtutem.

In tertio Nocturno.

Antiph. Quam pius, quam dulce, quam suave (ô Victor) in hoc loco afflictionis, & in hoc corpore mortis te canere, te colere, te precari!

Resp. Homo quidam non veritus malignari in sanctum, furatus est triticum ejus, & abscondit in terram, & ecce miser traditur maligno spiritui.

Vers. Maledictus homo, qui abscondit frumenta in populis. Traditur.

Resp. Triste miraculum, sed justitiae plenum. Ut quem suggestorem ipsum, & ultorem sceleris homo daemone pateretur.

Vers. Iustus es Domine, & rectum iudicium tuum. Ut quem &c.

Resp. Revelantur iniquitatis mysteria: daemone hominem cogit: homo daemone prodit. Victor medius dijudicat inter illos, dum daemone fugat & hominem sanat, frumentum prodente ipsa malignitate recuperat.

Vers. In fraude circumvenientium affuit illi, & honestum fecit illum: Dum recuperat &c.

Resp. Suspiciens Victor, vidit caelos apertos, & crucem auream gemis ornatam, & vox ad eum. Gemmae sunt animae, crucis gloriam assecuta: Cuius ignominiam portaverunt; laetetur Israel in eo qui fecit eum, & filiae Sion exultent in rege suo.

In Laudibus. Antiph.

Corpore terras, mente caelos Victor inhabitans aliquando, aliquid nunciantes, aliquando ineffabili cantus suavitate plausibiles voces angelicas audiebat.

Jam caelos ingressus, quos & ante oculos apertis suspiciebat, verè nunc revelata facie speculatur gloriam Dei.

Beata visio, qua in eandem imaginem Victor transformaris, de claritate in claritatem, tanquam à Domini spiritu.

Verè anima tua Victor, una ex gemmis quae tibi in cruce apparuerunt, verè infixae cruci, cum divinae insertae gloriae, eandem sibi induit claritatis imaginem quam invenit.

Omnipotens pater, peccavimus tibi, facti filii alieni: sed appropriavimus in Victore nostro, qui cum vicerit cupiditatem suam, vincat & iram tuam, nos quoque in gratia potenter restituat.

Resp. Filiae Hierusalem, sancta anima migrat: exite obviam ei.

Vers. Veniens venit cum exultatione. Exite &c.

Hymnus.

Vina de fonte, non de vite manant, musta pro rivis colorata fluunt, benedicens manu bene usa pro torculari.

Ggggg 3

Subito

Subito sapor subiens novellus in novos usus latices coegit, Rege mirante, ubi non putabat, Regium potum.

Dæmone tortus publicat se, homo furta fatetur; miser vel invitus pelli, tortor fure deprehenso tortus & ipse.

Hæc satis probant aliâque multa prærogativam gloriæ Victoris nec minoratam, quo præventus fuit spiritu bono.

Gloria summæ Trinitati, Deo, &c.

Antiph. Fœlix generatio, cui exortum est lumen in tenebris, Victor illuminare his qui in tenebris, & in umbra mortis sedebant.

Aliud. Benedictus Dominus Deus Victoris, qui ipsum in medio statuens cornu salutis erexit nobis, & rursus de medio tollens cum principibus collocavit, ut habeat ex hominibus, cui hominum peccata donet.

Ad primam Antiph.

Hodie posito corpore Victor, quo solo præpediri ab introitu gloriæ videbatur, dives meritis, signis clarus, expeditus penetravit in sancta, similis factus in gloria sanctorum.

Ad Tertiam.

Nomen tuum & memoriale tuum Victor, favus distillans in labiis captivorum. Eia ergo fortis Athleta, dulcis patrone, advocate fidelis, exurge in adiutorium nobis, plena victoria gloriæris.

Ad Sextam.

Vincenti expandit gremium suum, qui pugnantem dederat spiritum suum. Ibi, ibi, tu qui ubique es, cogitare de miseris inspira ei Deus, supplicentem pro miseris suscipe eum DEUS, exorantem pro miseris exaudi eum D E U S.

Ad Nonam.

Absorptus est Victor in gloria filii Dei. Immitte ei nostri semper memorem fieri, nostram in tuo tremendo iudicio suscipere & agere causam.

Ad II. Vesperas.

Sancte Victor, quis dignè explicet laudes tuas, castimoniam decus, animi virtutem, conscientiam puritatem?

Sancte Victor, quis det nobis, ut cum memoria abundantiam suavitatis tuæ insideat nobis forma rectitudinis vitæ tuæ?

Sancte Victor mitte nobis auxilium de sancto & de Sion tuere nos, qui de terra te laudamus.

Sancte Victor, sanctitas tua, victoria tua, quò nobis salubrior, eò tibi gloriosior invenitur.

Resp. Ecce appropinquat Victor gloriosus, citò proferte coronam.

Vers.

Vers. Jam intret in gaudium Domini sui.

Antiph. O magnifice Victor, etsi elevata est magnificentia tua super
caelos, sed non terræ inopes tua jugis munificentia derelinquat.

CONFESSIO^{NIS} PRIVATÆ FORMVLÆ, SEV,

Oratio Pœnitentis ad Christum devotissima; quæ B.

Bernardo non malè adscribitur.

IN unione acerbissimi doloris tui, qui causam doloris mei assumpsisti, &
emendationem pro peccatis meis suscepisti, Domine JESU Christe, cum
universitate dolentium, verè pœnitentium, & te in veritate quærentium:
confiteor tibi omnia peccata mea, mala commissa, & bona omissa, vel non
purè aut negligenter facta: sicut tu ea melius nosti in numero, pondere &
mensura: & dies perditos vitæ meæ, in quibus te offendi, & laudem tui
minui, & à te summo bono cecidi, & proximum in casum traxi. Suscipe
ergo Domine de mea misera vita residuum annorum meorum: pro his
verò quos malè vivendo perdidisti, quibus perditè vixi, cor contritum & hu-
miliatum Deus ne despicias. Dies mei declinaverunt, & perierunt sine
fructu. Impossibile est ut eos revocem: sed placeat tibi, ut recogitem il-
los in amaritudine animæ meæ. Domine abyssus profundissima miseriæ
meæ, abyssum invocat altissimæ misericordiæ tuæ. Ne contineas in ira
miserationes tuas, & fontem inexhaustum misericordiæ tuæ circa me ex-
ficcare ne permittas propter peccata mea, qui misereris omnium, & nihil
odisti eorum quæ fecisti, dissimulans peccata hominum propter pœnitentiam.
Tuum est, Domine, remittere peccata: miserere mei, dum tempus
est gratiæ & miserationis: & dum tempus est emendationis, da mereri glo-
riam benedictionis: ne in die consummationis me feriat verbum male-
dictionis.

Fac me quæso, Domine, assueta mala relinquere, & quæ tibi placent
peragere: studium quod huc usque in peccatis exercui, te adjuvante dein-
ceps in tua voluntate da ut exerceam: ut ubi abundavit delictum, tua
gratia reabundet. Rogo te propter te ipsum, & per amorem piissimæ
matris tuæ gloriosæ Virginis Mariæ, & per intercessionem omnium Sancto-
rum tuorum, atq; electarum tuarum, ignosce omnibus peccatis, negligentis
& ignorantis meis, & ne perdas me cum omnibus iniquitatibus meis, neq;
in finē iratus reserves mala mea. Recordare, Domine Jesu, quia tuum non est
perdere quidquam eorum quæ Pater tuus dedit tibi; quin tibi proprium
est misereri semper & parcere; neminem perdere, sed salvare. Nam pa-
ter tuus misit te in mundum, non ut judices mundum, sed ut vitam habea-
mus per te; ut sis propitiatio nostra, & advocatus noster, non contra nos.
Quod enim nos debuimus, tu solvisti; quod nos negleximus, tu luiti:
quod nos negleximus, tu supplesti. Proficiat

Proficiat ergo nunc, Domine, & in extremis meis, plenaria, imò superflua satisfactio amarissima mors tua, & precium inestimabile fusi sanguinis tui, commemorationem satisfactionis tuæ, venerabile mysterium Corporis & Sanguinis tui, quod tibi quotidie offertur in Ecclesia pro salute fidelium servorum tuorum: in qua es tu ipse sacerdos & sacrificium, ille qui offert pariter & cui offertur, & hoc ipsum quod offertur, ad promerendam in præsentem gratiam, quam non mereor; & ad obtinendam in futurum requiem & gloriam, quam tua amarissima mors impetravit. Imperfectum meum, Domine JESU, oculi tui viderunt, sed tu pie, misericors & præstabilis super malitia, ne quæso imputes mihi ad æternum supplicium, qui omnia ad summum & perfectum bonum optimè, & perfectissimè, & sapientissimè præordinasti; & ne permittas me deleri de libro vitæ sed offer mihi portionem quæ me contingit in subsidium, tuæ videlicet præciosæ passionis, pro qua voluisti hominem habere tibi cohæredem in terra viventium.

Te igitur Domine, moveat & inclinet ad misericordiam humanæ fragilitatis consideratio, qui nosti quæ sit hominis substantia: & quod non vanè constitueris hominem super terram: & conserva me opus tuæ pietatis, ne incassum circa ipsum laboraveris, neve infructuosa sit in me immaculati cruoris tui effusio. Tu qui es purificationem faciens peccatorum, præsta, ut emundatis per te peccatorum sordibus, illustratæque mentis acie cognoscam te, teque agnoscens in dilectione jugiter ad te tendam, ut feliciter tandem exitu ad te merear pervenire JESU CHRISTE Deus meus & Dominus meus. Qui cum Patre & Spiritu sancto vivis, &c.

